

林廟捐款機關列收備用亦知幾幾之數於事無裨第此區區誠懷不容自
已敢附土壤細流之義略効水源木本之思伏希鑒照仍盼賜覆肅頌崇安不
備 徐炯載拜

衍聖公復徐先生函

子休先生道鑒頃奉賜書并附清單捐啓暨紀念會啓各一件敬謦春風廣被
時雨咸沾惜未能親炙高賢而承教化至以爲憾 先聖林廟修繕一事仰蒙
鼎力代向各方募捐并承貴會諸公解囊贊助且於先生紀念會中撥捐川幣
千元具徵重道尊師崇德報本之至意鄙懷欽感莫名查閱清單所列共計川
幣壹千壹百玖拾元除印刷郵費陸元實存川幣壹千壹百捌拾肆元匯申升
水爲壹千貳百柒拾叁元壹貳角分茲收到上海聚興誠銀行交郵匯來洋壹
千貳百肆拾捌元整因此次捐修林廟係 省府主席主政已在濟南組織籌

備會俟該會正式成立後當將此款轉送列收備用除函復上海聚興誠銀行
外用特函達台端先鳴謝悃收款據條容俟籌備會寄到再當奉上至先生服
務教育五十年紀念醵金集會有意刊印儒先義理之書藉明正學德成雖未
及門願襄盛舉但事前初無所聞茲特補具印書費壹百元尙祈莞納以表微
忱專此佈覆祇頌道安

貴會諸公均此致意

孔德成拜啟

徐子休先生復衍聖公書

上公鈞鑒以炯迂庸遙承嘉惠祇領之下慙感莫名但冀江沱細浪永沐洙泗
之波岷峨諸峯獲仰泰岱之仰則上公之有造於蜀士者豈有涯哉郵局百元
收據敬已蓋章奉繳東風如便再聆玉音專此鳴謝順頌鈞安

復國慶籌備處書

徐 炯

子休
華陽